



BARNE EBAZPENA, 2020ko uztailaren 16koa, Hezkuntzako sailburuordearena, zeinaren bidez, IRALE programak 2020-2021 ikasturtean eskainiko dituen irakastorduz kanpoko goi-mailako ikastaroen berri eman (H eta I ikastaroak) eta ikastarook egiteko plazak esleitzeko prozedura ezartzen baita.

IRALE programaren urteetako ibilbide oparoari esker, euskal hezkuntzan aurrerapauso handiak eman dira euskararen ezagutzaren eta erabileraren normalizazioan. Hala ere, urteak joan urteak etorri, behar berriak sortu dira irakasleen hizkuntza-gaitasunean izan den aldaketa tipologikoaren ondorioz, eta IRALEk irakasleen berriazko behar berri horiei ahalik eta ongien erantzun beharko die etorkizunean, orain arte egin duen bezalaxe.

IRALE programa, prestakuntza-arloan eragile den aldetik, bete-betean lotzen zaio Heziberri 2020 egitasmoaren Hezkuntza Sistema Hobetzeko Planaren bigarren ildo estrategikoari (Irakasleen hasierako eta etengabeko prestakuntza), zeinak haxe baitio irakasleen etengabeko prestakuntzaren inguruan:

“Etengabeko prestakuntzak ez ditu azken xedetzat irakasle eta eskoletako langileak hartzen, ikasleak baizik, eta, alde horretatik, irakasleek konpromisoz eta arduraz jokatu behar dute, delako prestakuntza hori praktikan jarri eta aurretiaz ezarritako helburuak ikasturtez ikasturte betetzeko.

Alderdi indibidualenetan oinarritutako prestakuntza-eredua baztertu egin behar da, eta, horren ordez, eskoletan ardaztutako prestakuntza-ereduak bultzatu, lekuan lekuko ikastetxeetako premietara egokitutako proiektuen bitartez, eta, horretan, lekuan lekuko proiektu eta planak hartu behar dira kontuan: hobekuntza-planak, esku-hartze globaleko proiektuak, hezkidetzak-proiektuak...; eta hezkuntza-komunitateek bizi dituzten errealitate askotarikoak ere kontuan hartu behar dira: ikastetxeko hezkuntza-komunitateko kideentzako prestakuntza-proiektuak, esaterako.

Dena dela, prestakuntza indibidualak beharrezko izaten jarraitzen du, geure hezkuntza eredu pedagogikoaren esparruko eskakizun berriei erantzuteko batez ere, hura gabe ezin gerta baitaiteke inolako mentalitate- eta sinesmen-aldaketarik. Ezinbestekoa da, hala ere, prestakuntza hori lekuan lekuko ikastetxeak daudeneko testuinguruan kokatzea.”

IRALEk, jakina denez, euskarazko komunikazio-gaitasunari lotutako goi-mailako ikastaroen bitartez jorratzen du Hezkuntza Sistema Hobetzeko Planaren bigarren ildo estrategikoa, irakasleen prestakuntzari dagokiona, alegia. Modalitate bat baino gehiagoko ikastaroak eskaini eta antolatzen ditu, bai helburuei, bai iraupenari eta bai taldekatze-irizpideei dagokienez. Modalitate horietako bat dira, hain zuzen ere, H eta I ikastaroak.

Hori guztia dela eta, haxe

XEDATZEN DUT:

1. artikulua.– Xedea.

Agindu honen xedea da IRALE programak 2020-2021 ikasturtean eskainiko dituen irakastorduz kanpoko goi-mailako ikastaroen berri ematea (H eta I ikastaroak) eta ikastarook egiteko plazak esleitzeko prozedura ezartzea.

2. artikulua.– Deialdi honen bidez eskaintzen diren ikastaroak.

Deialdi honen bidez 2020-2021 ikasturtean emango diren ikastaroak eta ikastaro bakoitzerako eskainiko den talde-kopurua l. eranskinean daude zehaztua.

Ikastaro batean bete gabe geratzen diren plazek eskaera eskaintza baino handiagoa gertatu den ikastaroetako plazak emenda ditzakete; betiere, ikastaroak emango dituzten entitateak kontratatzeko prozeduran ezarritako baldintzetan.

3. artikulua.– Ikastaroen hartzaileak.

Unibertsitateaz kanpoko irakaskuntza arautuko ikastetxe publikoek eska ditzakete ikastaroak; baita Hezkuntza Sailaren gainerako zentroek (hizkuntza eskolek, berritzeguneez, ingurugelek, ikuskaritzak, ISEI-IVEI institutuak...).

4. artikulua.- Ikastaroetan parte hartzeko baldintzak.

Irakastorduz kanpoko goi-mailako ikastaroetan parte hartu nahi duten ikastetxeek klaustroaren % 60k, gutxienez, ikastaroan parte hartuko duela bermatu beharko dute.

Etapak baino gehiago duten ikastetxeen kasuan, ikastetxeak ikastetxe osorako edo etapa jakin baterako egin dezake eskabidea. Azken kasu horretan, gutxienez etapa horretako irakasleen % 60k parte hartuko duela bermatu beharko du.

Hauek izango dira etapak:

- Haur eta Lehen Hezkuntza
- Derrigorrezko Bigarren Hezkuntza
- Batxilergoa
- Lanbide Heziketa

5. artikulua.– Eskabideak aurkeztea.

1. Baliabide elektronikoen bidez aurkeztu eta izapidetuko dira eskabideak.

Eskabideak aurkezteko epea 2020ko irailaren 15era arte egongo da irekita. Helbide honetan aurkeztu behar dira: <https://educacion.hezkuntza.net/group/deialdiak/irale-2020-2021>

3. Eskabidea egiteko, eskabide-inprimakia bete beharko da.

4. Eskabidea aurkeztu ondorengo izapideak "Nire eskabideak" gunearen bitartez egingo dira": <https://educacion.hezkuntza.net/group/deialdiak/nire-eskabideak>

5. Ikastetxe bakoitzak ezingo ditu aurkeztu bi eskabide baino gehiago, bat ikastaro bakoitzeko.

6. artikulua.– Eskabideak zuzentzea.

Administrazio Publikoen Administrazio Prozedura Erkidearen urriaren 1eko 39/2015 Legearen 68. artikuluan aurreikusitakoaren arabera, eskabidean edo harekin batera aurkeztutako dokumentazioan forma-akatsak edo omisioak atzemanaz gero (halakorik aurkeztu bada), interesdunari jakinaraziko zaio gehienez 10 egun balioduneko epea duela akatsa zuzendu edo falta den agiria aurkezteko. Ohartaraziko zaio, halaber, hala egin ezean, eskabidean atzera egin duela ulertuko dela, ebazpena aipatutako legearen 21. artikuluan



aurreikusitako baldintzetan eman aurretik.

7. artikulua.– Plazen behin-behineko esleipenaren ebazpena.

1. Hezkuntzako sailburuordeak ebazpena emango du ikastaro bakoitzeko plazen behin-behineko esleipen-zerrendak ontzat emateko.

2. Era berean, ebazpen horretan prozeduran baztertutako eskabideen zerrenda ere argitaratuko da, adierazita eskabidea zein ikastarotarako baztertu den eta baztertzeko arrazoi zehatzak.

3. Zerrendak "Herri-ikastetxeak Deialdiak" atarian argitaratuko dira 0000/00/00an (<https://educacion.hezkuntza.net/group/deialdiak/>). Gainera, jakinarazpenak bidaliko dira eskabidean jarritako posta elektronikotara.

4. Ebazpen horren aurka, erreklamazioa aurkeztu ahal izango dute interesdunek, argitaratzen denetik lau eguneko epean.

Erreklamazioak bide elektronikoz aurkeztuko dira deialdiko orrialdetik: <https://educacion.hezkuntza.net/group/deialdiak/irale-2020-2021>

8. artikulua.– Behin-behinean esleitutako ikastaroari uko egitea.

1. Behin-behineko esleipenaren ebazpena argitaratu eta lau eguneko epean, ikastaro baten esleipena lortu dutenek uko egin diezaioke ikastaro horri.

Uko-egiteak bide elektronikoz aurkeztuko dira deialdiko orrialdetik: <https://educacion.hezkuntza.net/group/deialdiak/irale-2020-2021>

9. artikulua.– Ikastaroen behin betiko esleipen-ebazpena eta erreserben zerrenda.

1. Hezkuntzako sailburuak ebazpena emango du ikastaro bakoitzeko taldeen behin betiko esleipen-zerrendak ontzat emateko.

2. Zerrendak "Herri-ikastetxeak Deialdiak" atarian argitaratuko dira 0000/00/00an (<https://educacion.hezkuntza.net/group/deialdiak/>). Gainera, jakinarazpenak bidaliko dira eskabidean jarritako posta elektronikotara.

3. Ebazpen horrek barne hartuko du ikastaro bakoitzerako onartutako taldeen zerrenda. Baldin eta, ikastaroa hasi baino lehen, talderen bat esleitu zaion ikastetxe batek baja eskatzen badu, erreserba-zerrendarekin esleituko dira plaza horiek.

10. artikulua.– Taldeak esleitzeko irizpideak.

Ikastaroak zein ikastetxeri esleitu erabakitzeko, agindu honen bigarren eranskinean jasotzen den baremazioa erabiliko da.

Ikastetxeak II. eranskinean zehazten den baremoaren arabera sailkatuko dira, eta lehenengo dagoen ikastetxetik hasita, eskabidean ezarritako lehenengo hurrenkeran lehenengo jarri duten ikastarorako eskatutako talde guztiak esleituko zaizkie, eskainitako plaza-kopurua agortu arte.



Ikastetxe bati bigarren ikastaro bat esleitu aurretik, baldintza guztiak betetzen dituzten ikastetxeei eta erakundeei ikastaro bana esleitu zaien begiratu da, eta, ikastarorik esleitu ez zaionik baldin badago, horri emango zaio lehentasuna, ahal izanez gero.

Ikastetxe txikien kasuan, ikastetxe bat baino gehiago bildu ahal izango dira eskabidea egiteko, betiere, bildutako ikastetxeen klaustroetako kideen baturak 4. artikuluan ezarritako baldintza betetzen badute.

Eskainitako taldeak ikastetxeen artean banatu ondoren esleitu gabeko talderik gelditzen bada, talde horiek eskabidea egin duten Hezkuntza Sailaren gainerako zentroyen artean banatuko dira. Eskabide guztiei erantzuterik ez badago, zozketaz ebaztiko da.

Ikastaroak emango dituzten entitateak kontratatzeko prozeduran, ikastaroren bat esleitzeke gelditzen bada, ikastaro hori bertan behera geldituko da.

11. artikulua.- Taldeak osatzeko irizpideak.

Eskabidea egin duen zentro bakoitzak adierazi beharko du zenbat talde osatu nahi dituen ikastaro bakoitza egiteko; betiere irizpide hauek beteta:

- Talde bakoitzean 8 pertsona egongo dira, gutxienez, eta 20 gehienez.
- Taldeetako partaide guztiak izan behar dute egiaztatuta HE2, EGA edo baliokidea, edo enplegu publikorako hautaketa- eta betetze-prozeduretarako apirilaren 3ko 47/2012 Dekretuan aurreikusitako salbueste-egoera.
- Taldeetako partaide izan daitezke Ikastetxe publikoetako irakasle funtzionarioak, finkoak, ez-finkoak eta bitartekoak, eta Ikastetxe publikoetako Hezkuntza Bereziko lan-legepeko hezitzaile finkoak eta aldi baterakoak.
- Urrian, ikastetxeek ikastaroetan parte hartuko duten irakasleen zerrendak bidaliko dizkiote kasuan kasuko lurralde-ordezkaritzako Euskara Atalari.

12. artikulua.- Ikastaroak non emango diren.

Ikastaroak ikastetxean bertan edo ikastetxeak aukeratutako leku egoki batean emango dira.

13. artikulua.- Ikastaro amaierako agiriak.

Ikasketariei ez zaie ikastaroa egin izanaren agiririk emango ikastorduen % 80ra, gutxienez, joan ez badira.

14. artikulua.- Datuak babestea.

Deialdi honetako parte-hartzaileek baimena ematen dute deialdi hau izapidetzean jasotako datu pertsonalak tratatu eta argitaratzeko, Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoarekin eta Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzko otsailaren 25eko 2/2004 Legearekin bat etorritik. Datuok, bestalde, IRALE izeneko 2. fitxategian sartuko dira, diru-laguntzen deialdi hau kudeatzeko eta deialdira biltzen direnei deialdiaren garapenaren berri emateko. Hezkuntza Berriztatzeko Zuzendaritza da fitxategi horren organo arduraduna. Sarbide-, zuzenketa-, ezabatze- eta aurkatze-eskubideak baliatzeko, Hezkuntza Berriztatzeko Zuzendaritzara jo beharko da, helbide honetan: Donostia kalea 1, 01010 Vitoria-Gasteiz.



15. Artikulua. Dokumentuen egiazkotasuna

Era berean, deialdi honetan parte hartzen duten pertsonak baimena ematen diote Hezkuntza Berriztatze Zuzendaritzari edozein erakunde publikotan frogatzeko aurkeztutako dokumentuak egiazkoak direla.

AZKEN XEDAPENETAKO LEHENENGOA

Barne-ebazpen honen aurka, erreklamazio-plegua aurkeztu ahal izango zaio Hezkuntzako sailburuordeari hilabeteko epean, argitaratu eta hurrengo egunetik aurrera.

Vitoria-Gasteiz, 2020ko uztailaren 16a.



Miren Maite Alonso Arana
Hezkuntzako sailburuordea

HEZKUNTZA SAILA
DEPARTAMENTO DE EDUCACIÓN

I. ERANSKINA
IKASTAROEN ESKAINTZA

KODEA	IKASTAROA	IRAUPENA (ORDUTAN)	TALDEAK	NOIZ EGITEKOA
H1	Hizkuntzaren zuzentasuna eta egokitasuna: Euskaltzaindiaren batasun-arauak.	14	9	2020ko iraila - abendua
H2	Idazmena: irakaskuntza-jardunean euskara zuzen eta egoki erabiltzea.	20	9	2020ko iraila - abendua
H3	Mintzarena: irakaskuntza-jardunean euskara zuzen eta egoki erabiltzea.	20	9	2020ko iraila - abendua
H4	Ipuingintza eta Kontalaritza.	10	5	2021eko urtarrila - ekaina
H5	Euskal kanta eta jolasak.	10	7	2021eko urtarrila - ekaina
H6	Soziolinguistika: etxe eta eskola bidezko hizkuntza-transmisioa.	14	70	2020ko iraila - abendua
H7	Soziolinguistika: Taller d'Españ Lingüístico Personal (TELP)	10	7	2020ko iraila - abendua

I1	Ikasleen gaitasun komunikatiboa helburu izanik, euskararen irakasbideak hobetzeko metodologia-ikastaroa.	14	50	2021eko urtarrila - ekaina
I2	Hizkuntzen Trataera Integrala	42	20	2021eko urtarrila - ekaina
I3	Ahozko hizkuntzaren lanketa Hizkuntza Normalizazioaren altxotik	25	6	2021eko urtarrila - ekaina
I4	Arioretan (zientzietan, matematiketan...) ahozko komunikazioa lantzeko oinarriak.	30	2	2021eko urtarrila - ekaina

II. ERANSKINA

IKASTETXEEN ESKABIDEAK BALORATZEKO IRIZPIDEAK

IRIZPIDEA	PUNTUAK
D eredukoa izatea	4
D/B eredukoa izatea	3
B eredukoa izatea	2
B/A eredukoa izatea	1
Parte-hartzaileak: klaustroaren % 80 edo gehiago	4
Parte-hartzaileak: klaustroaren % 70-% 79,9	3
Parte-hartzaileak: klaustroaren % 60-% 69,9	2
Ulibarri Programan egotea	3
Eleaniztasunerantz programan egotea	2
EUSLE harrera-programan egotea	2
Hamaika esku programan egotea	2
Irakurketa plana izatea	2
Urteko planaren helburuetan euskararen irakaskuntzarekin lotutako jarduerak aurreikustea.	2

Berdinketa gertatuz gero, ikastetxe publikoen partaidetza 2/3ekoa eta itunpekoena 1/3ekoa izatera joko da, eta ratio horretatik behera dagoen ikastetxearen alde egingo da.



III. ERANSKINA

ESKABIDE-EREDUA

IKASTETXEAREN KODEA: IKASTETXEAREN IZENA: HERRIA: LURRALDEA: ESKATZEN DEN IKASTAROA: 1.- Ikastaroa egingo duten taldeen kopurua:	
Ikastaroan nortzuk parte hartuko duten	<input type="radio"/> Ikastetxe osoko irakasleek <input type="radio"/> Haur eta Lehen Hezkuntzakoek <input type="radio"/> Derrigorrezko Bigarren Hezkuntzakoek <input type="radio"/> Batxilergokoek <input type="radio"/> Lanbide Heziketakoeak
Ikastetxearen hizkuntza-eredua	<input type="radio"/> D eredia <input type="radio"/> D/B eredia <input type="radio"/> B eredia <input type="radio"/> B/A eredia <input type="radio"/> A eredia
Ikastaroan parte hartuko duten irakasleen portzentajea	<input type="radio"/> Klaustroaren edo etapako irakasleen % 80 edo gehiago <input type="radio"/> Klaustroaren edo etapako irakasleen % 70 – % 79,9 <input type="radio"/> Klaustroaren edo etapako irakasleen % 60 – % 69,9
Ikastetxea Ulibarri Programan dago	<input type="radio"/> BAI <input type="radio"/> EZ
Ikastetxea Eleaniztasunerantz programan dago	<input type="radio"/> BAI <input type="radio"/> EZ



Ikastetxea EUSLE harrera-programan dago	<input type="radio"/> BAI <input type="radio"/> EZ
Ikastetxea Hamaika esku programan dago	<input type="radio"/> BAI <input type="radio"/> EZ
Ikastetxeak Irakurketa plana du	<input type="radio"/> BAI <input type="radio"/> EZ
Ikastetxeko 2019-20ko urteko planaren helburuetan euskararen irakaskuntzarekin lotutako prestakuntza-jarduerak aurreikusten dira (Hala bada, erantsi prestakuntza jardueri dagokien zatia)	<input type="radio"/> BAI <input type="radio"/> EZ

Oharra: eskabidea aurkeztearekin, ikastetxeak ziurtatu egiten du eskabidean jarritako datuak egiazkoak direla.